

解春集文鈔

附補遺

一



解春集文鈔

附補遺

一

馮景撰

中華書局

解群集文鈔

此據抱經堂叢書
本排印初編各叢
書僅有此本

幸草序

馮山公輯其乙丑雜著。徵余序。而自命曰幸草。蓋取王仲任燔餘幸存意焉耳。夫馮子下筆。纒纒千言。成於倚馬。又皆犂然如廣庭芝草。世所希覲。戊午彝倫堂一役。馮子以太學諸生。抗書當塗。直聲動天下。余方局促兔園。仰視馮子。遙遙若天上人。今年春。馮子下帷吾鄉。一握手如舊相識。各贊以所業文。重辱教誨。余亦雌黃兩心印可。無何。馮子發狂疾。余病風痺且久。不得時時相存。入秋。數往還。每一接。輒移晷易漏。傾瀝悲歌。無所不至。蓋余之與馮子。親厚無間。如此也。余幼時趨向。與馮子殊異。妄不自揣。真有俳相如。癖元凱之志。雖受業陳先生介眉。且備數黎洲先生門下。而執經請業外。未嘗發口於古文辭。年來備食制義。自鄙其凡近。發漢唐子史。以淬其鋒。始知作家。元元本本。殊不謬於聖人。回思就學甬東時。如五都垂憂。寶山空手。真成孤負。爾時而遇馮子。必怪其離奇辨博。落落不相知。何幸當悔悟之餘。盡發馮子之藏而不驚也。夫道不加修。而文有名。昌黎以爲大戚。歐陽子閱唐四庫書目。作者不下數十百家。卒等於榮華飄風。好音過耳。尙何幸哉。雖然。茫茫大塊。羣羊野馬。朝見夕沒。而日星河嶽。萬古如斯。馮子胸中。要自有耿耿不可磨滅之氣。而姑託之於文。使一如其幼時抗書。舉而措之斯世斯民。良厚甚矣。愧余賦性固陋。重負師資。年來竊弄文墨。復嫻摺撫。良友之前。無可就正。謹與馮子約。此後每一集成。竊附一序。馮子每年一集。余文亦當以數十計。雖麗日之下。無容石火螢光。而蠅附驥尾。千里可到。此則余之幸也。

山陽顧璣。

解春集文鈔序

二

敘述

外孫盧文弨曰。外大父馮公。一生嚴氣正性。讀其文。可見其爲人。今距其曳杖之辰。殆八十年。而精光猶燦露於簡墨之上。至其見聞之淵博。論古之精核。乃餘事也。公一女歸先徵君。凡公生平文字。皆受而謹藏之。欲爲梓以傳示於世者。屢矣。旣以貧無力。又客遊之日多。終不克舉。一念及輒怛怛然不怡。終日先母生文弨一人。旋見背。憶文弨舞象之年。卽妄意欲求助於當世之重公者。然公之故友。時已零落。或遠在異地。音驛難通。同邑舊執經在者。唯有金繪貞先生一人而已。徒抱虛願而止。於後文弨歷仕途。繼復飄流無定。亦嘗料簡公之遺藁。兩度楷寫成帙。而唯恐校勘之不精。以重爲公累。然先入之志。未敢暫忘。有通家長洲彭進士紹升者。塵俗不擾於胸中。自守亦嚴以正。復明於古文之義法。嘗精選其先人南畝先生之文。版行之。文弨因卽以公集請其持擇。取其尤有益於世教者。得若干篇。卽此編是也。公自名其集曰解春。取易林中解我胸春之語。嘗雕版。版燬於火。今此編中。亦有向未授梓者。而總顏之曰解春集文鈔。從其名之著也。會里中人有諠文弨不爲公集謀梓者。聞之泚然汗下。文弨今年七十有六矣。遷延以至於今。及今而不爲。則無可爲矣。負公且負亡母。負先君。是天地間一大罪人。死且有餘責。今幸而十二卷粗告成。且讀且校。凡三四過。差幸無勅暑許緣之失。匪文弨之學識自詭能及此。實公之靈爽默有以啓牖之。若公之文。文弨不敢贊一辭。世自當有識者。固無俟私相推崇爲也。茲特敘其久而始出之故。

解春集文鈔 敘述

冀少可解免罪責而已。時乾隆壬子良月上旬也。

墓表

大清有道文人馮景。以康熙五十四年六月二十九日。卒於錢塘故里。先生字山公。一字少渠。行高學博。困諸生。貧病以沒。惟文章繼韓歐。炳耀天下後世。天之豐嗇。有予奪耶。侍郎少師。又有兼得者耶。抑古今氣數不同耶。康熙戊午。遊京師。授經項侍郎景襄第。是年朝議舉博學鴻儒。公卿列先生名。先生固辭。其與上宰相書者。道不同歟。時有司營宮室。難相木梁。有請易國學彝倫堂梁者。先生上書魏尚書象樞諫。事寢。名震京師。相國索公求見。先生遁。授經淮安邱洗馬象隨里第十年。癸酉。入都應試。顯者某授以關節。固不受。遂下第出都。考官竟以事敗。己卯。江蘇巡撫宋公榮。以禮三聘。就幕府。典文章。好甚篤。某以重賄于先生。乞一言於宋公。先生峻卻之。既宋公拜吏部尚書。固請偕北上。先生以母老固辭。歸里。貧益奇。老病且劇。遂卒。學者私謚曰文介先生。年六十有四。嗚呼。是天之數若是耶。是先生之道若是耶。著書百餘卷。雕板者幸草十二卷。樊中集十卷。解春集十四卷。皆燬於火。留家藏解春集印本十卷。謀復梓。其他皆散失。不克盡傳。後之學者。誦其文。懷其道。涕泣於茲石也。夫康熙五十四年乙未冬日。子聲楊儋謹撰。先外祖撫畢氏姨之兩孤女爲己女。長歸太學生孫青嶼。名偕曾。十才子中。宇台先生。其祖也。次歸舉人山東樂陵縣知縣楊恭士。名儋。有古文集。無後。文多散失。已梓者數篇而已。先外祖集中。有畢節婦邵氏傳。節婦二十五而寡。守節十四年而卒。故外祖母視其女猶己女。翼其長而嫁之。親生女祇先母。

一入生之日。先外祖有詩。見樊中集。余恐有昌黎兩塔之嫌。故具著之。外孫盧文弨謹識。

遇知外舅紀事

先君子白雲先生作

存心以博散。侘僚於時。親老家貧。不克振拔。悠悠忽忽。二十餘年。又嬰疾病。學問益落。無明師良友之助。遂閉戶自讀。學爲時藝。殊少趣味。更志於古文。存心於古文。非獨慕之也。性情以焉。奈一月閒。強半伏枕。家父母以不肖獨子。恐過於勞。禁筆硯。因不復多作。作亦不以示人。存心竊計之。獨學無傳。雖勞不成。世無有擅古文者。有而不遇。遇而不以傳。將若何。常以是爲戚戚。甲午六月。父執馮山公過小齋。存心出其不示人者。就正焉。讀未終篇。曰。得未有如子者。閱竟。嗟賞不置。明日來。急請於家君。願以愛女爲配。人聞之曰。貧。外舅曰。我知文。不知貧。且老夫衣鉢有傳。所賴多矣。急請恐後。存心之親族莫不感動曰。相攸之誠。未有若馮先生者。存心喜甚。向之私心竊望者。天竟從之。以爲自今數十年。教誨有人矣。不料甥舅一年。卒然捐館舍。乙未六月。存心候疾於牀下。執存心手而屬曰。以文字累子矣。外舅卽不屬。存心固銘刻於心。況諄諄於彌留之際。存心何敢讓焉。存心何敢讓焉。然知人其難。存心之不才。實不足以副望。他人於外舅。非有知己骨肉之恩。尙欲爲傳爲碑。謀編謀刻。存心獨何心。因循而已乎。但以外舅文章宏博淵深。豈淺見所窺。非學之數十年。未由纂輯。是以遲迴久之。然此心豈敢一刻忘哉。畢姻之三日。與話外舅知遇之恩。揮淚而紀其事。

解春集文鈔目錄

卷第一 序一

賀太平歌序

送萬季野先生之京師序

送邱浮巖之安仁序

贈王將軍序

贈何彥倫序

贈金侍郎詩序

鼎

謨刻在
卷末

贈陳太僕序

贈汪給事序

贈吳山掄序

贈吳征吉序

贈張君序

長洲 彭紹升 允初選
外孫 盧文弨 紹弓校

贈東臯先生序

鍾童子割股序

朱千斤救火序

卷第二 序二

解律仁言序

商邱公淮揚賑饑詩序

沈顯論算術二章序

邱大參公祀鄉賢詩序

旅堂遺橐序

山雌集自序

擬古樂府自序

顏母朱宜人貞節序

義士藍九廷序

弔王濤序

贈鏡微子序

卷第三 論

召公論

僖負羈之妻論

秦論

蘭相如論

漢高帝論

范增論一

范增論二

四皓論

薄太后論

范張論

陳荅論

李絳論

陸秀夫論

周正改時論

卷第四 記

御書萱瑞堂記

庚辰殿試紀事

高士瓦覆遺金記

商孝子斷手記

方節婦吞金記

憫烈記

沈八公重復放生池記

流民船記

邱大參公考終記

湯中丞雜記

趙清獻三事記

三蔣侯祠記

小滄浪觀魚記

深淨軒飲酒記

記祥峰出世始事

實菊記

卷第五 書一

上湯潛菴先生書

上總漕徐公開澗河書

癸酉試順天上總憲書

與張毅文論折田書

與喬侍讀書

爲平陽令上王撫軍書

與邱季貞先生書

與陳潢書

卷第六 書二 狀

答友人問二適相爲服書

與邱穎論堂不應爲人後書

與邱穎第二書

答孟達問喪服書

與友人論葬親不毀室書

答閻百詩疑武成月日書

與金蕭山書

與吳征吉書

與毛會侯先生書

與毛大可先生書

與毛稚黃先生書

勸友改過書

答弟又程書

上總漕徐公薦顧秀才狀

卷第七 題跋

御書跋

書齊風載驅詩後

書項羽本紀後

書項羽本紀後二

書蓋寬饒傳後

書馬援戒兄子書後

書歐陽子論臺諫官言事未蒙聽允書後

書尹洙與延帥論事狀後

書包孝肅彈宋庠疏後

書張氏家藏紹興二詔後

書宋濂傳後

朱陽書院志跋

巧用篇書後

書野客叢談後二則

說餅書後

書延熹華嶽碑後

題懷素小草千文

書梅花詩序後